



ՀՈՐԵԼՅԱՆԱԿԱՆ ՀԱՆԴԻՍՈՒԹՅՈՒՆՆԵՐ

Նոյեմբերի 29-ին լրացավ Հայկական Սովետական Հանրապետության կազմավորման վաթսու տարին:

Այս առթիվ Մայր Աթոռում տեղի ունեցան հոբելյանական հանդիսություններ, որոնց մասնակցեցին նաև սփյուռքի զանազան երկրներից հայրենիք ժամանած եկեղեցական ներկայացուցիչներ:

Հայոց Հայրապետի հրավերով նոյեմբերի 24—30 օրերին, հանդիսություններին մասնակցելու համար, Սփյուռքի թեմերից ուխտավորաբար Մայր Աթոռ ժամանեցին.

1. **Տ. Թորգոմ արքեպ. Մանուկյանը**, ԱՄՆ-ի հայոց արևելյան թեմի առաջնորդ.

2. **Տ. Վաչե արքեպ. Հովսեփյանը**, ԱՄՆ-ի հայոց արևմտյան (Կալիֆոռնիա) թեմի առաջնորդ.

3. **Տ. Տիրացր արքեպ. Մարտիկյանը**, Ռումինիայի և Բուլղարիայի հայոց միացյալ թեմերի առաջնորդ.

4. **Տ. Գարեգին արքեպ. Գազանճյանը**, Նոր Զելանդիայի և Ավստրալիայի հայոց թեմի առաջնորդ.

5. **Տ. Ներսես եպս. Պոզապպյանը**, Անգլիայի հայոց հոգևոր առաջնորդ.

6. **Տ. Մեսրոպ ծ. վրդ. Գրիգորյանը**, Կենտրոնական Եվրոպայի հայրապետական պատվիրակ.

7. **Տ. Ավագ ծ. վրդ. Ասատուրյանը**, Իրաքի հայոց թեմի առաջնորդ.

8. **Տ. Ոսկան ծ. վրդ. Գալբակյանը**, Դամասկոսի հայոց թեմի առաջնորդ.

9. **Տ. Գյուտ եպս. Նազգալյանը**, Փարիզի հայոց հայրապետական պատվիրակի փոխանորդ.

10. **Տ. Սարգիս քհն. Սարգիսյանը**, Միլանոյի հաշոց հոգևոր հովիվ:

Հանդիսություններին հրավիրված էին նաև.

11. **Տ. Պսակ արքեպ. Թումայանը**, Լոնդոնից.

12. **Տ. Գևել եպս. Ճերեճյանը**, Բելյուրից. Մայր Աթոռից և ներքին թեմերից հոբելյանական հանդիսություններին, դարձյալ Վեհափառ Հայրապետի հրավերով, մասնակցում էին.

13. **Տ. Սիոն արքեպ. Մանուկյանը**, ատենապետ Գերագույն հոգևոր խորհրդի.

14. **Տ. Հուսիկ արքեպ. Սամբուրյանը**, Մայր տաճարի լուսարարապետ և Բաբվի հայոց թեմի առաջնորդ.

15. **Տ. Նարեկ եպս. Ծաքարյանը**, Ծիրակի թեմի առաջնորդ.

16. **Տ. Գևորգ եպս. Սերադարյանը**, վրահայոց թեմի առաջնորդ.

17. **Տ. Արսեն եպս. Բերբերյանը**, դիվանապետ Մայր Աթոռի.

18. Մայր Աթոռի միաբանությունը, վարդապետ և արեղա:

ՀԱՅՐԵՆԻՔԻ ՀԱՍԱՐԱԿՈՒԹՅԱՆ ԵՎ
ՍՓՅՈՒՌԶԱՀԱՅՈՒԹՅԱՆ
ՆԵՐԿԱՅԱՑՈՒՑԻՉՆԵՐԻ ԺՈՂՈՎ

Նոյեմբերի 24 և 25 օրերին, երկուշաբթի և երեքշաբթի, Հայաստանի գիտությունների ակադեմիայի նիստերի դահլիճում տեղի ունեցավ հայրենիքի հասարակության և սփյուռքահայության ներկայացուցիչների ժողովը, որին ներկա եղան Մերձավոր և Միջին Արևելքի, Եվրոպայի, Ամերիկաների,

Կանադայի, Ավստրալիայի, Ռումինիայի, Բուլղարիայի և սփյուռքի այլ հայ համայնքների բազում ներկայացուցիչներ: Նույն ժողովին հրավիրվել էին նաև Ամենայն Հայոց կաթողիկոսը և Մայր Աթոռի և արտասահմանից ժամանած հոգևորականները:

Այս առթիվ Վեհափառ Հայրապետին ուղեկցում էին Ս. Սիոն, Ս. Պաակ, Ս. Թորգոմ, Ս. Վաչե, Ս. Հուսիկ, Ս. Տիրայր արքեպիսկոպոսները, Ս. Գնել, Ս. Գյուտ, Ս. Արսեն, Ս. Նարեկ, Ս. Ներսես, Ս. Գևորգ եպիսկոպոսները, Ս. Մեսրոպ, Ս. Ոսկան, Ս. Ավագ ծայրագույն վարդապետները, Մայր Աթոռի միաբանության անդամները:

Ժողովին հրավիրվել էին նաև Մայր Աթոռի Գերագույն հոգևոր խորհրդի անդամներ Գրիգոր Խանջյանը, Հովհաննես Թուփուզյանը, Կարայիս Կարազյանը, Հայկ Մելքոնյանը, «Էջմիածին» ամսագրի խմբագիր Արթուր Հատիտյանը, Մայր Աթոռի Միջեկեղեցական հարաբերությունների բաժնի ընդհանուր քարտուղար Պարզև Ծահրազյանը:

Ստավիտյան ժամը 10.30-ին ակադեմիայի նիստերի դահլիճը լի էր հայրենի հասարակության և սփյուռքահայերի ներկայացուցիչների և այլ հրավիրյալների բազմությամբ:

Հանդիպումը բաց է անում ներկայացուցիչների ժողովի նախապատրաստության կոմիտեի նախագահ, Հայաստանի գիտությունների ակադեմիայի նախագահ ակադեմիկոս Վիկտոր Հ. Համբարձումյանը, վեր առնելով պատմական նշանակությունը Սովետական Հայաստանի վաթսույն տարիների վիթխարի իրադարձություններին: Անդրադառնալով հայրենիք—սփյուռք հարաբերություններին, մեծանուն գիտնականը ասում է.

«Սովետական Հայաստանը իր ստեղծման առաջին իսկ օրից ուշադրության կենտրոնում է պահել հայ գաղթաշխարհը: Սկսած 20-ական թվականների ներգաղթից և մինչև այսօր նա իր դռները բաց է պահել իր տարագիր զավակների համար, անընդհատ լայնացրել և ամրացրել է հոգևոր, մշակութային կապերը սփյուռքահայության հետ:

Ինձ ուրախություն և քափականություն է պատճառում այն հանգամանքը, որ այդ կապերի մեջ մեծ լուծա են ներդրել Հայաստանի և սփյուռքահայության գիտական աշխատողները: Հայաստանի գիտնականները ստեղծել են քաղմայրիվ ուշագրավ աշխատություններ, որոնցում իրենց արտատույն են գտել հայկական օաթաշխարհի քախտն ու պատմությունը: Մենք մտադիր ենք ավելի ընդլայնել այդ աշխատանքները:

Ես ուրախ եմ հաղորդել, որ այժմ Հայաստանի գիտությունների ակադեմիայի նախագահությանը կից հիմնադրվել է մի նոր կենտրոն՝ սփյուռքահայ համայնքների պատմության և մշակույթի բաժին, որը կոչված է ավելի խորացնելու սփյուռքահայ աշխարհի գիտական ուսումնասիրության գործը:

Այս առթիվ ես երջանիկ եմ հայտնել, որ Հայաստանի գիտությունների ակադեմիան սահմանել է սփյուռքահայության գիտական աշխատողների համար Անանիա Ծիրակաբու անվան մրցանակ: Հավանական է, որ դուք գիտեք, որ Հայաստանի կառավարության կողմից սահմանված են նաև այլ մրցանակներ մշակույթի տարբեր բնագավառների գործիչների համար:

Այս մրցանակների հիմնադրումը հաստատում է մի նոր ձևի մշտական կապ սփյուռքի և հայրենիքի միջև:

Այնուհետև Վ. Հ. Համբարձումյանը ժողովի կազմակերպչական կոմիտեի, հայրենաբնակ հայ ժողովրդի անունից ջերմորեն ողջունում է աշխարհի բազում գաղթօջախներից Հայաստան ժամանած սփյուռքահայության ներկայացուցիչներին:

Այս առթիվ ակադեմիկոս Վ. Հ. Համբարձումյանը հրապարակում է Հայկական ՍՍՀ Գերագույն սովետի նախագահության նախագահ Բաբկեն Ե. Սարկիսովի ողջունի խոսքը սփյուռքահայության ներկայացուցիչների ժողովին, որը բոլոր ներկաների կողմից ընդունվում է ծափահարությամբ:

Հայաստանի Հանրապետության մեծահարգ նախագահի ողջունի խոսքում նշվում էր.

«Թանկագին բարեկամներ, սփյուռքահայ համայնքների և հայրենիքի հասարակայնության հարգելի ներկայացուցիչներ, այս հանդիսավոր օրերին, երբ հայ ժողովուրդը պատրաստվում է մեծ շուքով նշելու իր սոցիալիստական պետականության, ազգային վերածնության և Հայաստանի կոմունիստական կուսակցության 60-ամյակը, անշափ ուրախալի է, որ դուք Սովետական Հայաստանի մայրաքաղաք Երևանում հավաքվել եք ժողովի՝ քննարկելու վերածնված մայր հայրենիքի և սփյուռքի մշակութային կապերի հետ առնչվող հարցերը, խաղաղության ու առաջադիմության խնդիրները:

Մեծախորհուրդ է ձեր ժողովը, որ հայրենիքի և սփյուռքի պատմության մեջ առաջինն է: Մեծախորհուրդ, որովհետև նրա մեջ հստակորեն արտացոլվում են այս 60 տարիների ընթացքում հայրենիքի ձեռք բերած վիթխարի նվաճումները, որոնցով նա կարողացավ ոչ միայն հասնել տնտեսա-

կան ու մշակութային անհախճաբան վերելքի, այլև գորավիզ դառնալ բախտի դաժան անկատարգրով աշխարհով մեկ սփռված իր տարագիր զավակներին:

Այս ժողովը, որին դուք հավաքվել եք այսպես սիրով ու պատրաստակամությամբ, միաժամանակ արտացոլում է այն նվիրական զգացմունքների, այն երախտագիտության, որ սփյուռքահայությունը տածում է վերածնված հայրենիքի նկատմամբ, նրա մեջ տեսնելով իր գոյատևության առհավատչյալ: Սփյուռքահայության հոծ զանգվածները համոզված են, որ Սովետական Հայաստանն է համայն հայության հայրենիքը, որ այստեղ են անցյալի նվիրական ավանդներով նորոգվում ու իմաստավորվում նրա ներկան ու գալիքը: Սփյուռքահայության հոծ զանգվածները քաջ գիտեն, որ հայ ժողովուրդը իր այս հրաշալի վերածնունդն ապրեց ռուս մեծ ժողովրդի անշահախախտ օգնությամբ, սովետական բոլոր ժողովուրդների եղբայրական դաշինքով, Սովետական Միության վարած խաղաղասիրական հետևողական ու անկրկն քաղաքականությամբ:

Սրտանց ողջունելով ձեր ժողովը, ամենայն հաջողություն եմ մաղթում նրա աշխատանքներին, ցանկանում եմ, որ այն անցնի գործարար մթնոլորտում և մեծապես նպաստի մայր հայրենիքի և սփյուռքի մշակութային կապերի հետագա ամրապնդմանը, խաղաղությանն ու առաջադիմությանը: Ցանկանում եմ, որ Հայրենիքում գտնվելու օրերին դուք ավելի սերտորեն առնչվեք մեր նվիրական հողին, նրա պատմական սրբազան հիշատակներին, նրա նորոգ կյանքի գեղեցիկ երևույթներին և այդ ամենից ոգի առած՝ վերադառնալով շարունակաբար ձեր հայրենասիրական վսեմ գործը:

Հաջողություն ձեզ, թանկագին բարեկամներ»:

Ժողովի պաշտոնական բացումից հետո խոսքը տրվում է Սփյուռքահայության հետ մշակութային կապի կոմիտեի նախագահ Վարդգես Համազասպյանին, որը հանդես է գալիս «Վերածնված Հայրենիքը և սփյուռքը. պայքար հանուն խաղաղության և առաջադիմության» թեմային նվիրված ծավալուն, բովանդակալից և շահեկան զեկուցումով, որի մեջ նշվում է միաժամանակ հայ ժողովրդի փառապանծ ազգային տոհմի առթիվ 60 տարիների ընթացքում և կոմիտեի կազմության օրերից սկսած հայրենիք-սփյուռք հայրենասիրական, մշակութային հարաբերությունների կարևորությունն ու անհրաժեշտությունը, որ հայրենիքը իր վերածննդյան շնչով ու պատգամով, իր նվաճումներով, սխրանքներով դարձել է

սփյուռքի հայրենակարոտ բոլոր հայ սրբուների համար, հարազատի սրտաբացությամբ, ոչ միայն նրանց հույսը, այլև գոյատևման միակ ամուր պատվարը:

Քսան րուպե ընդմիջումից հետո ժողովը շարունակում է իր աշխատանքները:

Սուաջինը հայրենաշունչ ողջույնի խոսքով հանդես է գալիս Ամենայն Հայոց Հայրապետը, որին դահլիճը ողջունում է խանդավառ մթնոլորտում, հոտնկալս, երկարատև ծափահարություններով: Վեհափառ Հայրապետի ողջույնի խոսքը հրատարակվել է ամսագրի սույն համարում, էջ 6:

Հանդիսության առաջին օրվա նիստը շարունակվում է մինչև ժամը 14.30: Բազում պատգամավորներ Մայր Հայրենիքից ու սփյուռքից հանդես են գալիս ողջույնի խոսքերով, ճառերով:

Տեղի է ունենում օրվա հանդիսության խորհրդին, նշանակության շուրջ մտքերի հետաքրքիր փոխանակություն:

Ժողովի երկրորդ նիստը գումարվում է նոյեմբերի 25-ին, ժամը 10—14, իսկ եզրափակիչ նիստը՝ ժամը 18-ին:

Բ և Գ նիստերին նույնպես Վեհափառ Հայրապետը ներկա է լինում հոգևորականների իր շքախմբով:

Նույն օրը, ժամը 16-ին, հանդիսավոր իրադրության մեջ կատարվում է Երևանում, Մոսկվայի և Կնուկյանց փողոցների անկյունում, Վարդան Մամիկոնյանի արձանի մոտ, Բարեկամության Տան հիմնադրման արարողությունը:

Բարեկամության Տունը կլինի հայրենիք ժամանող սփյուռքահայերի առաջին հանգրվանը: Հայրենիք-սփյուռք փոխադարձ կապերի պատմության մեջ բառացիկ ու մեծախորհուրդ մի իրադրություն է սա, որը անսահման հրճվանքով է լցնում մեր սրբուները թե՛ հայրենի հողի վրա ապրողներին և թե՛ աշխարհի յորս կողմերում բնակվող մեր հայրենակիցների... Այստեղ, Հայաստանի սրտում, հիմնադրվում է մի Տուն, որը խորհրդանշելու է Մայր Հայրենիքի և ըսփյուռքի միասնությունը:

Շքեղ ու մեծ է լինելու այդ տունը, Երեւանի ճարտարապետական նշանակալի կոթողներից մեկը:

Հայրենիքը տուն է ներտում իր տարագիր զավակների համար: Կա՞ արդյոք դրանից ավելի գեղեցիկ խորհուրդ: Այս տան հիմքերը պիտի գցվեն հայոց դարավոր, մեծ քրտինքով ու արյամբ սրբազործված հողի մեջ, որ երբեք այսքան բարեբեր ու երիտասարդ չի եղել, որքան այժմ: Հայոց հողի վերածնության անցած 60 տարիները երաշխիք են, որ ամուր է լինելու այս տան հիմքը, անասան են լինելու նրա պատերը:

ՀԱՆՐԱՊԵՏԱՎՈՐ ՆԻՍՏ՝ ՆՎԻՐՎԱԾ ՀԱՅԱՍՏԱՆԻ 60-ԱՄՅԱԿԻՆ

Նոյեմբերի 28-ին, ուրբաթ օրը, առավոտյան ժամը 10-ին, Երևանում, Ալ. Սպենդիարյանի անվան օպերայի և բալետի պետական ակադեմիական թատրոնում, տեղի է ունենում պաշտոնական հանդիսավոր նիստ՝ նվիրված Հայաստանում սովետական կարգերի հաստատման և Հայկական Հանրապետության կազմավորման վաթսուհինյակին:

Օպերայի և բալետի պետական ակադեմիական թատրոնի դահլիճը վերակառուցումից հետո առաջել է շքեղ տեսք:

Այսօր համաժողովրդական տոն է Հայոց հինավուրց հողում, Հայոց լեռնաշխարհում, բերկրալից ու երջանիկ տուն:

Հայ ժողովրդի ազգային մեծ հոբելյանի բերկրանքը հարազատորեն կիսում են մեր հայրենիքի եղբայր ժողովուրդները, բոլոր եղբայրական հանրապետությունները, որոնց բարձրաստիճան ներկայացուցիչները եկել են Երևան՝ միասին ուրախանալու հայ ժողովրդի հետ:

Թատրոնի դահլիճի բեմի խորքում հայ ժողովրդի բարեկամ մեծ Լենինի դիմաքանդակն է: Ծողշողում է ոսկեհոտ «60» թիվը:

Նախագահության սեղանի շուրջ տեղ են գրավել Հայաստանի կառավարության ղեկավարները, միութենական հանրապետությունների, հերոս քաղաք Մոսկվայի և Լենինգրադի ներկայացուցիչ պատգամավորները:

Հանդիսավոր նիստին ներկա է նաև Հայոց Հայրապետը, որին ուղեկցում են Ս. Սիոն, Ս. Թորգոմ արքեպիսկոպոսները ու Ս. Գևել և Ս. Ներսես եպիսկոպոսները և Ս. Ոսկան ծ. վարդապետը:

Հանդիսավոր նիստը բացում է Հայաստանի կոմկուսի Կենտկոմի առաջին քարտուղար Կ. Ս. Դեմիրճյանը, որը և հանդես է գալիս Հայաստանում սովետական կարգերի հաստատման 60-ամյակին նվիրված ընդարձակ, բովանդակալից մեծ զեկուցումով:

Այնուհետև հայ ժողովրդի փառապանծ տոնը ջերմ խոսքերով շնորհավորում են եղբայրական հանրապետությունների բարձրապատիվ հյուրերը:

Նույն օրը, երեկոյան, Ալ. Սպենդիարյանի անվան օպերայի և բալետի պետական ակադեմիական թատրոնում տեղի է ունենում հոբելյանական տոնական մեծ համերգ:

ԶՈՐԱՀԱՆԴԵՍ ԵՎ ԱԾԽԱՏԱՎՈՐՆԵՐԻ ԾՔԵՐԹ ՀԱՅԱՍՏԱՆԻ ՎԱԹՍՈՒՆԱՄՅԱԿԻ ԱՌԹԻՎ

Նոյեմբերի 29-ի առավոտ: Ժամը 10-ին Լենինի անվան հրապարակում, որը զարդարվել է տոնականորեն, և փողփողում են ալ դրոշներն ու «1920» և «1980» տարեթվերը, տեղի է ունենում զորահանդես և աշխատավորների շքերթ:

Հայ ժողովուրդը այդ օրն էլ հանդիսավորապես և ազգային հպարտության քաղցր բերկրանքով նշում է իր հայրենիքի վերածննդի պայծառ տարեդարձը:

Սկսվում է զորահանդեսը, ապա՝ Հայաստանի աշխատավորության շքերթը: Հայն շարասյուններով անցնում են գիտական, մշակութային հիմնարկների, ուսումնական բարձրագույն հաստատությունների կոլեկտիվները, արդյունաբերական ձեռնարկությունների, ներկայացուցիչները:

Հոբելյանական տոնական այս օրերին հայրենաբնակ բովանդակ հայ ժողովուրդը հպարտ է երանությամբ այն ժողովրդի, որ երկար դարերի ստրկությունից հետո նվաճել է իր հողն ու պատիվը, իր ազատությունը, իր խաղաղությունը, և ուրախանում է, հպարտանում՝ իր հայրենիքով, իր նվաճումներով, իր պայծառ ապագայով:

ԵՊԻՍԿՈՊՈՍԱՑ ԽՈՐՀՐԴԱԿՑՈՒԹՅՈՒՆ

Օգտվելով ստեղծված առիթից նոյեմբերի 29-ին, շաբաթ օրը, առավոտյան ժամը 10-ին, Վեհարանում, Հայոց Հայրապետի հրավերով ու նախագահությամբ, տեղի է ունենում եպիսկոպոսաց խորհրդակցություն, որին մասնակցում են.

1. Ս. Սիոն արքեպ. Մանուկյան.
2. Ս. Պսակ արքեպ. Թումայան.
3. Ս. Թորգոմ արքեպ. Մանուկյան.
4. Ս. Վաչե արքեպ. Հովսեփյան.
5. Ս. Տիրայր արքեպ. Մարտիրոսյան.
6. Ս. Գարեգին արքեպ. Գազանճյան.
7. Ս. Հուսիկ արքեպ. Սանթրոյան.
8. Ս. Գևել եպս. Մերեճյան.
9. Ս. Գյուտ եպս. Նազգաշյան.
10. Ս. Ներսես եպս. Պոզապալյան.
11. Ս. Նարեկ եպս. Ծաքարյան.
12. Ս. Գևորգ եպս. Սերադարյան.
13. Ս. Արսեն եպս. Բերբերյան.
14. Ս. Ավագ ծ. վրդ. Ասատուրյան՝ Իրաքի հայոց թեմի առաջնորդի հանգամանքով.
15. Ս. Ոսկան ծ. վրդ. Գլխակյան՝ Դամասկոսի հայոց թեմի առաջնորդի հանգամանքով:

Խորհրդակցությունը բացվում է Վեհա-



Հայրապետական կոնդակի ընթերցում Մայր տաճարում (նոյեմբեր 80)

փառ Հայրապետի աղոթքով և ժողովականներին ուղղած ողջույնի խոսքով:

Եպիսկոպոսաց խորհրդակցությունը ըզբաղվում է եկեղեցական մի շարք հարցերի քննությամբ, ի մասնավորի Մայր Աթոռ Ս. Էջմիածնի և Անթիլիասի Կիլիկյան Աթոռի հարաբերությունների հարցով, վերջերս Անթիլիասից ստացված պաշտոնական նամակի լույսի ներքո:

Եպիսկոպոսաց խորհրդակցությունում քննարկվող հարցերի շուրջ տեղի է ունենում մտքերի լայն փոխանակություն:

Խորհրդակցությունն ավարտվում է ժամը 14-ին, Վեհափառ Հայրապետի «Պահպանիչ»-ով:

ՀԱՆՐԱՊԵՏԱՎՈՐ Ս. ՊԱՏԱՐԱԳ,
ՀԱՅՐԱՊԵՏԱԿԱՆ ԿՈՆԴԱԿԻ
ԸՆԹԵՐՑՈՒՄ ԵՎ ՀԱՆՐԱՊԵՏԱԿԱՆ
ՄԱՂԹԱՆՔ

Նոյեմբերի 30-ին, կիրակի:

Աշնանային պայծառ ու տաք, արևոտ օր: Մայր Աթոռում տոնական հանդիսություն է:

Մայր տաճարը, մայրավանքի շրջափակը լի է ոխտավորների և հավատացյալների խումբերով բազմությամբ:

Այսօր Մայր Աթոռում նշվելու է հայկական սովետական Հանրապետության կազմավորման վաթսուամյակը:

Օրվա հանդիսությունն սկսվում է ս. պատարագի մատուցմամբ: Պատարագում է Տ. Արսեն եպս. Բերբերյանը: Մայր տաճարի դասերում տեղ են գրավել ափյուրքի տարբեր երկրներից մայր հայրենիք ժամանած ընդուն ոխտավորներ և Հայաստանի 60-ամյակի հանդիսությունների մասնակից ափյուրքահայության պաշտոնական ներկայացուցիչներ:

Ժամը 12-ին հնչում են ցնծագին ու տոնական Մայր տաճարի զանգերը:

Հայոց Հայրապետը, ի գլուխ ոխտավորների բազմության, Վեհաբանից ստաճնորդվում է Մայր տաճար, եկեղեցական թափորով և ժողովրդի խանդավառ արտահայտությունների մեջ, ներկա լինելու ս. պատարագին:

Ս. պատարագի երգեցողությունը կատարում է, ապրումով և ոգևորությամբ, Մայր տաճարի երգչախումբը՝ ղեկավարությամբ հանրապետության վաստակավոր արտիստ, խմբավար Խորեն Մելիսանեջյանի:

Ս. պատարագը շարունակվում է մինչև «Հայր մեր»:

Ավանդատնից շարականով, խմկով և զանգերի ուրախ դողանքով Ավագ Սեդան է քերվում Հայոց Հայրապետի հոբելյանական սրբատառ կոնդակը, որը գրվել է այս տարի, մայիսին:

Հայոց Հայրապետի սույն կոնդակը հրատարակվել է «Էջմիածին» ամսագրի սույն համարում, էջ 3:

Պատարագիչ սրբազանը Ավագ Սեդանի քեմից, ի լուր ժողովրդյան, ընթերցում է Հայոց Հայրապետի կոնդակը, որը երկյուղածությամբ և հոտնկայս է ունկնդրվում:

Այնուհետև Նորին Ս. Օծությունը Ավագ Սեդանի ատյանի ստաճ, շրջապատված հոգևորականաց դասով, նախագահում է հանրապետական մաղթանքին:

Մայր տաճարի կամարների ներքո հնչում է Հայոց Հայրապետի հուզումնալից դողացող սրբազան աղոթքը, մեծ նախնիների.

«Օրհնեսցի, պահպանեսցի և նախախնամեալ պահեսցի Արևելեան կողմն աշխարհի, Հայրապետութիւն և Հանրապետութիւն Հայոց»:

Հանրապետական մաղթանքից հետո ս. պատարագը շարունակվում է: Ներկա ոխտավորներից շատերը ս. հաղորդություն են ստանում:

